

DBKL kutip 4,800kg makanan berlebihan

- Program di 12 lokasi bazar Ramadan
- Agih semula kepada yang memerlukan

Oleh ZULKIFLI MANZOR

PETALING JAYA – Sebanyak 4,869.22 kilogram (kg) makanan bernilai RM107,190 berjaya dikumpulkan melalui program MySaveFood sempena kempen sifar sisa @ Bazar Ramadan setakat 12 Mac lalu.

Dewan Bandaraya Kuala Lumpur (DBKL) dalam satu kenyataan berkata, kesemua makanan itu kemudian disalurkan kepada golongan yang memerlukan untuk mengelakkan pembaziran.

“Melalui program ini, DBKL menyasarkan 10,000 kg makanan dapat diselamatkan daripada dibazirkan dengan mengedarkannya kepada golongan memerlukan.

“Selain membantu yang kurang berkemampuan, inisiatif ini dapat mengurangkan kos pengurusan sisa serta mengelakkan sisa makanan dihantar ke tapak pelupusan,” kata DBKL.

Menurut DBKL, program MySaveFood berlangsung 5 hingga 16 Mac 2025 di 12 lokasi bazar Ramadan terpilih di sekitar Kuala Lumpur.

Tambahnya, lokasi terlibat adalah bazar Jalan Wangsa Delima di Wangsa Maju, Sri Rampai, Wangsa Maju Jalan 3/27A



SUKARELAWAN membungkus lebih makanan di bazar Ramadan untuk diagihkan kepada mereka yang memerlukan.

Seksyen 1 dan TLK Taman Tasik Permaisuri.

“Lokasi lain adalah bazar TLK Hadapan UTC Sentul, Pusat Penjaja Bazaria Pantai, Kampung Baru Jalan Raja Alang dan Jalan

Raja Uda, Jalan Dato Senu 18 di Taman Dato Senu, Danau Kota Jalan 3A/6, 4A/6, dan 5A/6 di Taman Setapak Indah serta Jalan 1/76C dan 3/76D di Desa Pandan,” kata kenyataan itu.